

元和郡縣補志

江甯嚴觀子進甫輯

河北道

原卷第十九

幽州

范陽下大都督府

戶六萬七千二百四十二

今為幽州節度使理所

管涿州瀛州莫州平州  
媯州檀州薊州營州

管縣三十四

都管戶

禹貢冀州之域虞舜時為幽州夏殷省併冀州復置幽州秦為漁陽上谷等五郡漢高祖分上谷置涿郡武帝

元和補志三

河北道

一

時為幽州

十道志見太平御覽百六十二

箕星散為幽州分為燕國幽

之為言窈也言風出入窈冥敏勁易曉故其人稟之氣

躁急通濟趙渤海之間一都會也

郡國志見御覽六十二

按其後

開東邊置元菟樂浪等郡亦皆屬焉元鳳元年改州為

廣陽郡本始元年改為廣陽國後漢建武十三年省入

上谷郡永平八年復置廣陽郡為幽州刺史治曹魏太

和六年為燕國晉初因之建興後沒於石勒永和六年

前燕慕容儁嘗都此其後前秦苻堅後燕慕容垂相繼

有其地後魏為幽州燕郡北齊置東北道行臺後周建

德六年置幽州總管府隋開皇三年郡廢大業元年府廢三年改為涿郡武德三年復曰幽州置總管府六年改大總管府七年改大都督府貞觀元年屬河北道開元二年置幽州節度使天寶元年改為范陽郡節度使為范陽節度使乾元元年復改郡為幽州寶應元年改節度使為幽州節度使後又兼盧龍節度使有府十四呂平涿城德聞潞城樂上清化洪源良鄉開福政和停驂柘河良杜咸寧城內有經略軍又有約降軍本納降守捉城故丁零川也西南有安塞軍有赫連城有宗王

元和補志三

河北道

二

乾澗殄寇三鎮城石堆車坊蒿城河笏四戍

州境

八到

西南至上都二千五百二十三里  
西南至東都一千六百八十里

東至薊州二百一十里  
南至莫州二百八十里

西至易州一百一十四里  
北至媯州二百一十里

貢賦

綾 綿 人參 栗 豹尾 絹 角弓  
麝香 絨 麴 糖 贖 德

管縣九

薊 幽都 廣平 潞 武清 永清

安次 良鄉 昌平

薊縣 望東北至州五里

按本古之燕國漢為薊縣屬廣陽國晉屬幽州自晉至隋刺史皆以此為治所天寶元年析置廣寧縣三載省有鐵有故隋臨朔宮又有桑乾水

元英磨室二宮燕宮也在縣西四里寧臺之下 括地志

碣石宮在縣西三十里寧臺之東 張守節史記正義

薊城南北九里東西七里開石門慕容儼都此鑄銅為馬因名銅馬門今大廳前石函長二尺高一丈歷代不敢開銘曰秦建二年造銅虎符 郡國志

元和補志三

河北道

三

石勒每破一州必簡別衣冠號君子城泊平幽州擢荀綽等還襄國經此俗訛為箕子城 郡國志御覽百九十三

幽都縣 望

按本漢薊縣地武德元年為燕州六年自營州遷於幽州城中開元二十五年徙治幽之北桃谷山天寶元年改名歸德郡建中二年為朱滔所滅因取廢燕州解置幽都縣於府北一里

廣平縣 上

天寶元年析薊縣置三載省至德後 續通志 劉昫 唐書

潞縣 上東至州六十里

按本後漢縣屬漁陽郡光武遣吳漢耿弇等破銅馬五  
幡于潞東卽是縣也世祖拜彭寵爲漁陽太守治此北  
齊分置潞郡隋開皇元年罷入涿郡武德二年自無終  
徙漁陽郡于此置元州貞觀元年州廢縣屬幽州

漢平谷縣故城在縣北漢安樂縣故城在西北唐章懷太子賢

後漢書注

潞水在縣西北三十里胡三省通鑑注按通鑑神功元年六月孫萬榮竊蹙與其奴逃

至潞水即此

元和補志三 河北道

四

武清縣 上

按本漢雍奴泉州二縣地屬漁陽郡水經注曰雍奴藪  
澤之名四面有水曰雍不流曰奴漢建武二年封潁州  
太守寇恂于此爲雍奴侯魏遣張郃樂進圍雍奴亦此  
地也晉屬燕國後魏太平真君七年省泉州入雍奴爲  
漁陽郡治隋屬涿郡唐屬幽州天寶元年改爲武清縣  
永清縣 緊

按本漢益昌縣屬涿郡漢晉並省隋大業七年開渠通  
遼于縣西五里置通澤縣尋廢如意元年分安次置武

隆縣屬幽州景雲元年改名會昌天寶元年改名永清  
安次縣 上東南至州一百里

本漢舊縣 通典故城在今縣東 後漢書注按武帝時屬燕國後

屬渤海郡光武初追破尤來大蒼諸賊于此晉屬燕國  
後魏屬燕郡隋屬涿郡武德四年移治于城東南五十  
里石梁城貞觀八年又移治于縣西五里魏常道城開  
元二十三年又自常道城移于耿就橋行市南

良鄉縣 望

按本漢縣莽曰廣陽屬漢陽國後漢仍曰良鄉建武初

元和補志三

河北道

五

封劉良于此為侯國屬廣陽郡晉屬范陽國後魏屬燕  
郡北齊天保七年省入薊縣武平六年復置隋屬涿郡  
總章開元之際于此置歸義州以處新羅及奚降戶後  
州廢縣存聖祿元年因不從安史之叛改名固節神龍  
元年復名良鄉縣有大防山

廣陽故城在縣東北三十七里 括地志

迴城水源出縣西北玉石山東流經縣北四里又南流

入范陽縣界 郡國志

昌平縣 望東北至州一百四十里

本後漢縣屬廣陽國故城在今縣東南劉昫唐書按曹魏文帝拜牽招使持節護鮮卑校尉屯昌平卽此地晉屬燕國後魏太和中屬燕州尋置昌平郡北齊因之後周州郡竝廢尋復置郡隋開皇元年郡廢又省萬年縣入焉萬年縣北魏天平中所置者故城在縣西南大業元年屬涿郡唐屬幽州

縣北十五里有軍都陁西北三十五里有納欵關卽居庸故關也按淮南子云天下九塞居庸是其一也亦謂之軍都關其北有

防禦軍古夏陽川也有狼山唐書

元和補志三

河北道

軍都山在縣西北後漢書注

昌平城在軍都關南通鑑注按通鑑武德六年劉黑闥之叛也突地稽引兵助唐徙其部

落于幽州之昌平城卽此

涿州新置未計戶口 劉書

案禹貢冀州之域周屬幽州春秋戰國時燕之涿郡也秦爲上谷郡地漢爲涿縣高帝元年項羽入關以地封臧荼爲燕王國三年韓信用廣武君策發使于燕臧荼降五年反漢誅荼立盧綰爲王六年分置涿郡後漢安帝時屬幽州魏黃初七年改曰范陽郡晉泰始元年爲

范陽國又封宣帝弟廵子綏爲范陽王後魏復爲范陽郡齊周因之隋開皇元年廢郡大厯四年幽州節度使朱希彩奏請析幽州之范陽歸義固安置涿州焉

州境

八到

至上都二千四百里  
至東都一千四百八十里  
東北至幽州一百二十里  
南至莫州一百六十里

貢賦

管縣五

范陽 歸義 固安 新昌 新城

元和補志三

河北道

七

范陽縣

望

按本漢涿郡之涿縣有故城存曹魏文帝以縣在范水之陽更名范陽并以地追封武帝子矩爲王國隋開皇元年改縣名迺隸昌黎郡尋爲涿縣武德七年復名范陽

督亢坡荆軻獻圖之所在縣東南十里逕五十餘里

志

括地

鳴澤在縣西十五里

括地志

督亢陂在涿州其地沃美

初學記

漢廣陽國城在縣西北通典

歸義縣上

漢易縣地屬涿郡北齊省入鄭縣武德五年于縣置北義州貞觀元年與州同省八年復置改屬幽州劉昫景唐書

雲二年隸鄭州尋置涿州來屬唐書

易水在縣南二十五里原文見通鑑地理通釋

漢易縣故城在縣東南十五里括地志

巨馬水在縣界自易州迺縣界流入後漢書注

上谷郡圖經曰黃金臺在易水東南十八里李善文選註引

元和補志三河北道

八

公孫瓚失利築京自固號曰易京其城三重周回六里

爾雅曰絕高謂之京非人爲之邛後漢書注後漢史曰瓚脩

營壘樓觀臨易河通遼海以鐵爲門乃曰兵法云百樓

不攻今吾諸營樓櫓千重積穀三百萬斛足以待天下

之變卒爲袁紹所破後石季龍征慕容儁迴惡其固而

毀之在今縣南十八里通典

固安縣上

按本漢方成縣地屬廣陽國後漢屬涿郡改爲城齊廢隋開皇六年改置固安縣屬幽州大業元年屬涿郡



武德四年屬北義州移治歸義章信堡城貞觀元年州省縣屬幽州大厯四年改屬涿州

方城故城在縣南十七里本燕舊邑原文見通釋

臨鄉故城在縣南六十七里括地志

固安之栗天下稱之為御果因有栗園括地志

漢陽鄉故城在今縣西北後漢書注

張華村臨桑乾河郡國志

易水出縣閭鄉通鑑注按通鑑唐光化三年汴將張存敬攻定州幽州帥劉仁恭遣子守光救

之軍于易水上即此

元和補志三 河北道

新昌縣 上

按本漢縣屬涿郡宣帝本始四年封燕刺王子慶於此為侯國後漢廢大厯四年復析固安置

新城縣 上

太和六年九月辛丑置古督亢之地也劉昫唐書文宗紀

瀛州 河間上

戶九萬八千一十八

禹貢冀州之域舜十二州并為之地春秋時屬燕國秦為河間郡漢為河間國十道志見御覽百六十一按後漢初併入信

都國和帝永元二年復置晉因之後魏初為河間郡太和十一年始分定冀之地置瀛州隋開皇元年郡廢存州大業元年復為河間郡武德四年討平竇建德復曰瀛州天寶元年復曰河間郡乾元元年復為瀛州括地志云今州城漢武垣故城也瀛州以地帶滄海物產滋瀛故以名之又云以瀛海為名郡國志見御覽六十一

州境

八到 西南至上都二千二百里 西南至東都一千三百二里

東至景州二百里 南至冀州二百三十里

元和補志三

河北道

十

西至定州二百八里 北至莫州一百八里 東南至景州弓高縣一百四十七里 西南至深州一百五十里 西北至易州二百十里 東北至景州景城縣二百五十七里

貢賦 貢 絹 斜紋布 土布 蔓荆子 香附子 絲 人參 海蛤

管縣四

河間 高陽 平舒 束城

河間縣

望

按本漢州鄉縣地屬涿郡漢武帝時望氣者云西北有女極貴遂訪之于河間得鉤弋夫人後漢改武垣縣屬

河間國晉因之後魏太和十一年移郡治于此隋大業元年改縣名河間唐因之武德五年又分置武垣縣貞觀元年復行省入

西北百里有長豐渠貞觀二十一年刺史朱潭開西南五里亦有長豐渠開元二十五年刺史盧暉自束城平舒引滹沱東入淇通漕溉田五百餘頃

唐書

高陽縣

上

案本漢舊縣屬涿郡武德四年屬蒲州貞觀元年改屬瀛州邑有易水

元和補志三

河北道

十一

故葛城一名依城又名西阿城在縣西北五十里以徐兗二水竝過其西又徂經其北曲以齊有東阿故曰西

阿

括地志

安都故城在縣西南三十五里

張守節史記正義

平舒縣

上

按本漢東平舒縣屬渤海郡晉置章武國後魏爲章武郡北齊廢郡爲平舒縣隋開皇十六年屬景州大業末劉黑闥兵亂河朔侵吞郡縣縣爲所據武德四年亂平縣仍屬景州貞觀元年屬瀛州

衡漳水在州東北二十五里平舒縣界也括地志

束城縣上

按本漢舊縣屬渤海郡後魏置東州隋開皇十六年改

為束城縣唐因之

莫州文安上

戶五萬三千四百九十三

其地歷代所屬與瀛州同十道志見御覽百六十二唐景雲二年分

瀛州置鄭州通典開元十三年以鄭鄭文相類更名莫州

天寶元年改為文安郡乾元元年復曰莫州劉昫唐書有唐

元和補志三河北道

三

興軍開元十四年置按通鑑作天寶元年設兵六千人又有渤海軍唐書

按通鑑先天元年設

州境

八到西南至上都二千三百一十里西南至東都一千四百三十里

東至南至瀛州一百八十里

西至易州露山一百七十里

北至幽州二百八十里

東南至景州二百六十里

西南至定州二百五十里

西北至易州一百八十五里

東北至平州八百里

貢賦

貢絹 綿

管縣六

莫 清苑 文安 任邛 長豐 唐興

莫縣緊

漢縣屬涿郡武德四年屬蒲州貞觀元年屬瀛州景雲

二年割屬莫州劉昫唐書邑有九十九淀唐書

清苑縣上

按本漢樂鄉縣屬信都國高帝過趙封樂毅之後巨叔于此後魏太和元年分置清苑縣屬高陽郡北齊仍名樂鄉隋開皇十八年復魏名屬瀛州武德四年屬蒲州

元和補志三 河北道 三

貞觀七年屬瀛州景雲二年屬莫州

漢武帝封中山王子為樊輿侯故城在縣東南初學記

武帝封趙敬肅王子然吉為柏鄉侯今縣南有侯國故

城初學記

徐河在縣北十里通鑑注按通鑑武德五年劉黑闥遣其弟十善等擊幽州總管李藝于鼓

城既而戰于徐河十善敗即此

瓦橋在莫州北三十里通鑑注按通鑑大厯十年十月盧子期叛發諸道兵討之朱滔

軍于瓦橋即此

文安縣上

漢縣屬渤海郡故城在今縣東北劉昫唐書按後漢屬河間

國晉泰始五年屬章武國隋大業七年割文安平舒三

邑戶于河口置豐利縣貞觀二年以文安豐利二縣相

逼遂廢豐利置文安縣初屬瀛州景雲二年屬莫州

漢平曲縣故城在今縣北七十里括地志

武平亭在縣北七十二里今名渭城括地志

任邱縣上南至州四十三里

按本戰國燕鄭邑漢鄭縣地元始二年巡海使中郎將任邱築城防海有利于人因以其姓名名縣高齊因之

元和補志三

河北道

十四

隋廢開皇十六年又置大業末又廢武德五年復置

邑有狐狸淀通典又有通科渠開元四年令魚思賢開以

洩陂淀自縣南五里至城西北入滏水得地二百餘頃

唐書

清源柵在縣西南通鑑注按通鑑長慶初義武帥陳楚金奏破盧龍叛將朱克融莫州清源

三柵是也

長豐縣中東至州六十里

按本隋利豐縣貞觀二年省開元十年析文安任邱二縣地復置是年更名長豐以縣北渠名

唐興縣上

按本戰國時燕葛邑漢為涿郡高陽縣地隋為河間縣如意元年析置武昌縣屬瀛州長安四年隸易州是年還屬瀛州神龍元年改名唐興景雲二年改屬莫州

平州 北平下

戶三千一百一十三

禹貢冀州之域舜為營州之境周為幽州之地春秋時為山戎孤竹白狄肥子二國地秦為遼西郡肥如縣地十道志見御覽百六十二按二漢因之晉屬遼西郡後魏因之太武

元和補志三

河北道

五

置平州又分置北平郡後齊省遼西入北平隋開皇元年郡廢大業元年復曰北平郡武德元年徙治盧龍二年復曰平州天寶元年仍曰北平郡乾元元年復為平州有府一曰盧龍有盧龍軍按通鑑在平州城內兵萬人天寶一載置又有柳城軍永泰元年置有溫溝白望西狹石東狹石綠疇米磚長楊黃花紫蒙按通鑑開元二十二年幽州節度使張守珪初平契丹大閱于紫蒙水白狼昌黎遼西等十二戍愛川周夔

州境

八到

西南至上都二千六百五十里

東至營州七百里

南至海一百里

西至薊州三百里

北至塞百八十里

東南至臨榆關一百八十里

東南至馬城縣一百八十里

西北至石城縣一百四十里

東北至營州七百里

貢賦

貢 蔓荊子 人參 熊羆

管縣三

盧龍

石城

馬城

盧龍縣

中

元和補志三

河北道

六

按本後漢肥如縣有故城存高帝六年封蔡寅于此為

侯國北燕大興二年馮宏子崇以地降魏因為遼西郡

又僑置新昌縣為北平郡治隋開皇六年省肥如入新

昌十八年改曰盧龍隋末移郡治臨榆復縣名曰肥如

武德二年仍復盧龍之名又置撫寧縣七年省

碣石山在縣南二十三里

原文見通釋按十道志曰河

在北平州東離海三十里遠望其山穹窿似

孤竹古城在城南十二里

括地志

灤水道流深遠為幽平之外擊

括地志



漢襄平故城在今縣西南

後漢書注

漢土垠故城在今州西南

後漢書注

漢遼西郡故城在今縣東陽樂城是也

後漢書注

邑有元水出元谿有藍山在縣西三十九里

初學記

有漢令支縣城臨閭關今名臨榆關在縣城東一百八

十里盧龍塞在城西北二百里

通典

黃驥谷在是州東南與碣石山西麓相近

通鑑注按通鑑武后萬歲

登封初契丹酋帥李盡忠孫萬榮作亂據榮州進圍檀州遣將軍曹仁等擊之戰于碣石谷唐兵大敗明年王孝傑與萬榮戰于東碣石契丹兵退孝傑追之為契丹所誘先進至黃驥谷行背懸崖契丹回兵薄戰孝傑敗

元和補志三

河北道

七

沒即此

石城縣

中

按本漢舊縣屬右北平郡唐初于西北界置臨榆縣武

德七年省貞觀十五年復置萬歲通天二年更名石城

邑有大海關溫昌鎮

溫泉柵在縣東

通鑑注按通鑑廣德元年春史朝義東奔廣陽廣陽不受欲北走入奚契丹至

溫泉柵李懷仙乃遣兵追及之即此

馬城縣

中

古海陽城也開元二十八年置以通水運東北有千金

冶城東有茂鄉鎮城唐書

媯州媯川上

戶二千二百六十三

禹貢冀州之域舜暨周為幽州之域春秋戰國竝屬燕國秦為上谷郡潘縣十道志見御覽百六十二按漢置沮陽縣為郡

治後漢因之晉屬廣寧郡後魏孝明帝時郡縣俱廢北齊置北燕郡隋屬涿郡武德七年討平高開道置北燕州貞觀八年改為媯州以水名天寶元年改曰媯川郡乾元元年復為媯州有府二曰密雲白檀有清夷軍垂

元和補志三

河北道

六

拱中置有堆北白陽度雲治廣邊四鎮兵有橫河柴城

二戍有陽門城有永定塞子二關又有懷柔軍按通鑑先天元

年八月置在媯蔚二州之境

州境

八到西南至上都二千八百四十二里西南至東都一千九百一十里

東至檀州二百十里南至幽州二百里

西至蔚州二百二十九里北至張說新築長城九十里

東南至幽州一百五十里西南至蔚州四百四十里

西北至新長城為界三百八十里東北至長城界七十八里

貢賦

貢

胡祿甲

榆幣矢

麝香

樺皮

管縣一

懷戎

懷戎縣

上

本古之飛狐口也

後漢書注

後漢為潘縣屬上谷郡北齊改

曰懷戎唐因之

劉昫唐書

天寶中析置媯川縣尋省媯水貫

中北九十里有長城開元中張說築東南五十里有居

庸塞東連盧龍碣石西屬太行常山實天下之險有鐵

門關西有寧武軍又北有廣邊軍故曰雲城也

唐書

元和補志三

河北道

十九

涿鹿山在縣東南五十里

括地志

涿鹿故城在州東南五十里本黃帝所都也

括地志

阪泉今名黃帝泉在縣東五十六里出五里至涿泉東

北與涿水合

括地志

縣北三里有釜山上有舜廟黃帝合符釜山即此

括地志

州有媯水源出城中耆舊傳云即舜釐降二女子于媯

之所外城中西有舜井

括地志

上谷郡故城在縣東北百十里

括地志

東南十五里有羹頡山漢高祖封兒子信為羹頡侯于

此括地志

馬邑長城亦名燕長城在州北括地志

漢沮陽故城在今州東後漢書注

馬蘭溪水在縣東北括地志

水經注曰傳言昔時地裂遂成溝壑有水俗謂之分家

水今縣東北有地裂初學記

有蚩尤城及鳴雞山本名磨笄趙襄子滅代其姊磨笄

自殺因名代人憐之立祠有羣雞鳴于祠上故改史記

云燕築長城自造陽至襄平遼陽即此通典

元和補志三河北道

檀州密雲本安樂

戶六千六十四

禹貢冀州之域春秋戰國並為燕地秦漢為漁陽郡道

志見御覽百九十二按晉時郡廢後魏置漁陽縣屬漁陽郡皇始

二年分置密雲縣屬密雲郡兼置安州後周改為元州

隋開皇元年徙州治于漁陽十六年乃割幽之燕樂密

雲于舊州治置檀州大業三年罷為安樂郡武德元年

仍為檀州天寶元年改為密雲郡乾元元年復為檀州

有威武軍萬歲通天元年置本漁陽開元十九年更名

又有鎮遠軍故黑城川也有三义城橫山城米城有大  
王北來保要鹿固赤城邀虜石子甃七鎮有臨河黃崖

二戍

州境

八到

西南至上都二千六百五十七里  
西南至東都一千八百四十四里

東至薊州二百一十七里

南至幽州潞縣界五十五里

西至幽州昌平縣界一百三十里

北至長城四十五里

東南至薊州三河縣七十五里

西南至幽州昌平縣七十里

西北至長城濃水鎮四十五里

東北至長城障塞一百十里

元和補志三

河北道

三

貢賦

貢

麝香

人參

管縣二

密雲 燕樂

密雲縣

中

案本漢白檀縣屬漁陽郡隋改密雲唐因之

隗山

唐書

在縣南三十里有潞水自塞外流入

通典

漁陽故城在縣南十八里在漁水之陽也

括地志

縣有掛甲谷

藝文類聚

燕樂縣

中

本漢僭溪縣漁陽屬郡

十道志見御覽百六十二

案後魏延和九年

改名燕樂又于此僑置益州太平真君九年改為廣陽

郡北齊郡廢隋大業初為安樂郡治唐初郡廢仍為燕

樂縣屬檀州舊治初在白檀長壽二年移治新興城即

今治也

東北百八十五里有東軍北口二守捉北口長城口也

又北八百里有吐護真河奚王衙帳也

唐書

故龔城在今縣界故老傳云舜流共工幽州居此城

括地

志

元和補志三

河北道

三

薊州 漁陽下

戶五千三百一十七

戰國時屬燕秦置漁陽郡二漢因之隋文帝徙元州于

此并立總管府煬帝初改置漁陽郡唐屬幽州開元十

八年析幽州地置薊州

通典

天寶元年改為漁陽郡乾元

元年復為薊州

劉昫唐書

有府二曰漁陽臨渠南二百里

有靜塞軍本障塞軍開元十九年更名又有雄武軍

按通鑑天

寶六載安祿山築此以貯兵器西在藥兒嶺

故廣漢川也

東北九十里

有洪有水守捉又東北三十里有鹽城守捉又東北渡灤河有

古盧龍鎮又有斗陁鎮自古盧龍北經九荆嶺受米城  
張洪隘度石嶺至奚王帳六百里又東北行傍吐護真  
河五百里至奚契丹衙帳又北百里至室韋帳

唐書

州境

八到

西南至上都二千八百二十三里  
西南至東都一千二十三里

東至平州三百里  
南至三會海口一百八十里

西至幽州二百十里  
北至慶長城塞二百三十五里

東南至平州石城縣一百八十五里  
西南至幽州安次縣界一百二十五里

西北至檀州二百一十七里  
東北至平州石城縣界廢盧龍戍二百里

元和補志三

河北道

三

貢賦

貢白膠

管縣三

漁陽 三河 玉田

漁陽縣

中

本北戎無終子國

括地志

後漢立縣屬漁陽國秦古北平

郡所治也隋因之武德元年屬幽州二年改屬元州貞

觀元年屬幽州神龍元年改隸營州開元四年還隸幽

州十八年于縣置薊州以隸之

劉昫唐書

邑有平敵渠神龍

元年滄州刺史姜師度所開傍海穿漕以避海難又于

薊州之北漲水為溝以備奚契丹之寇唐書食貨志

燕山在縣東南六十里括地志

漁陽故城在縣南十八里燕漁陽郡城也括地志

縣東南七十里有北平城倚燕山為板築西漢右北平

郡也括地志

漢無終故城在今縣內後漢書注

漢浚靡故城在今縣北後漢書注

有鮑邛水又名潞水通典

三河縣中

元和補志三河北道

三

案本石趙臨洺縣地又曰臨渠晉永和六年燕慕容霸

伐趙收安樂北平兵糧與其主備會于臨渠即此地也

開元四年以地近七度鮑邛臨洺三水因更置三河縣

初屬幽州十八年改隸薊州

北十二里有渠河塘西北六十里有孤山陂溉田三千

頃唐書

玉田縣中

按本漢無終縣屬右北平郡項羽封韓廣為遼東王都此漢初臧荼擊之并其地以立縣後漢因之晉為北平



郡治後魏太平真君七年郡廢縣屬漁陽郡唐初縣廢  
乾封二年復置無終縣屬幽州萬歲通天二年更名玉  
田神龍元年隸營州開元四年還隸幽州八年隸營州  
十一年又隸幽州十八年屬薊州有壕門米亭三谷疆  
石方公白楊等戍

邑內有地一頃名曰玉田楊伯雍種石產璧之所也初學記

營州

柳城上都督府

戶九百九十七

元和補志三

河北道

三

禹貢冀州之域虞舜時屬營州周爲幽州春秋爲山戎  
之地戰國時屬燕秦漢爲遼西郡十道志見御覽百六十二北當營

室故曰營州

郡國志見御覽百六十二

慕容皝以柳城之北龍山之

南所謂福德之地也乃營制宮廟改柳城爲龍城遂遷

都焉號新宮曰和龍宮

通典皝時有黑龍白龍各一鬪于龍山皝率僚屬觀之祭以太

牢二龍交首嬉戲解角而去皝大悅因改宮名

後燕慕容寶北燕馮跋相繼都

之後魏置營州後周武帝平齊其地猶爲高寶寧所據  
隋文帝平之復爲營州煬帝初州廢大業八年于州境  
汝羅故城置遼西郡武德元年改爲營州總管府通典七

年改爲都督府以處粟末靺鞨降人萬歲通天元年爲契丹所陷聖曆二年僑治漁陽開元五年還治柳城天寶元年仍改營州有平盧軍按通鑑在營州城內兵萬六千人開元初置東有鎮安軍本燕郡守捉城貞元二年爲軍城西四百八十里有渝關守捉城又有汝羅懷遠按通鑑貞觀十九年征高麗李世勣軍發柳城多張形勢若出遠鎮者卽此巫閭襄平四守捉城唐書

州境

八到 西南至上都三千五百八十九里 西南至東都二千九百一十里 東至遼河四百八十里 南至海二百六十里

元和補志三

河北道

美

西至平州二百里 北至契丹界五十里 東南至故安東府二百七十里 西南至平州三百七十里 西北至契丹界七十里 東北至契丹界九十里 契丹衙帳四百里 貢賦 貢 麝香 豹尾 皮 骨髓 人參

管縣一

柳城

柳城縣 中

案本秦縣屬遼西郡漢爲無慮海陽二縣之地後魏置柳城縣隋開皇元年改名龍山十八年仍名柳城唐因

之

有東北鎮醫巫閭山祠又東有碣石山唐書

石門山在今縣西南後漢書注

秦柳城故城在今州南後漢書注

邑內有長陵谷北燕馮跋之弟弘葬所也初學記

邑有平川及狼河初學記

慕容熙光始三年于縣內築龍騰苑起景雲臺初學記

有龍山鮮卑山在縣東南二百里又有青山白狼山白

狼水又有漢扶黎縣故城在東南其龍山即慕容皝祭

元和補志三

河北道

三

龍所也有饒樂水漢故徒河縣城和龍城室韋靺鞨諸

部竝在東北遠者六千里近者二千餘里西北與奚接

北與契丹相接通典

冷岍山在橫水之南通鑑注案通鑑顯慶中以阿史德

奚降更以樞賓等出沙磧道討契丹擒其松漠都督阿卜固獻東都是也

天門嶺在吐護真水北三百里通鑑注案通鑑聖曆中

李楷固討渤海大祚榮

有捺祿山通鑑注案通鑑開元十八年六月可突干

白山在五阮關外大荒中通鑑注案通鑑開元二十年

可突干  
戰于此

都山

通鑑注案通鑑開元二十一年郭英傑  
與契丹可突干戰于此亦名馬都山

橫水

通鑑注案通鑑開元二十七年平  
盧使烏知義擊叛奚餘黨于此

元和郡縣補志

元和補志三

河北道

三